



**Erasmi a Chokier Tractatus iurisdictionis ordinariae in
exemptos, illorumque exemptione ab ordinaria
iurisdictione**

in duos tomos distinct.

Quo Praeter Varias Ac pervtiles Additionibus praecipuis & in foro
potissimum occurentibus Tomi primi Quaestionibus annexas, etiam S.
Rotae Romanae Decisiones Novissimae De Eadem materia editae, &
singulari studio selectae continentur - Hac postrema editione
praecedentibus duobus Tomis primum additus

Chokier, Érasme de

Coloniae Agr., 1684

Decisio LXXXIII. Privilegiis ex causa onerosa concessis Papa non solet
facilè derogare, & praecipuè si in illis adsit clausula, quod nullo modo
suspendi, revocari aut eis quomodolibet derogari possit.

[urn:nbn:de:hbz:466:1-61921](https://nbn-resolving.org/urn:nbn:de:hbz:466:1-61921)

DECISIO LXXIII.

Privilegiis ex causa onerosa concessis Papa non solet
facile derogare, & præcipuè si in illis adsit clausu-
la, quod nullo modo suspendi, revocari aut eis
quomodolibet derogari possit.

ILLVSTRISS. SERAPHINO.

Romana Juris doctorandi.

inter impressas
Seraphini decisio
3271.

Veneris 3. Aprilis 1598.

SUMMARIUM.

- | | |
|---|--|
| 1 Posteriora regulariter derogant prioribus. | clausulas quantumvis prægnantes |
| 2 Privilegio dato ex causa onerosa non solet
Papa facile derogare. | 5 Regula de jure quasi non tollendo præ-
servat jus ex privilegio quasi sum. |
| 3 Clausula preservativa cuius sit efficacia. | 6 Derogatio regula de jure quasi cum
clausula quorum tenores, quid o-
peretur. |
| 4 Privilegio ex causa publicæ utilitatis
concesso non censetur derogatum per | |

Fuit de mandato S.D.N. propositum in Rota hujusmodi dubium: Sciantibus
Bullis & privilegiis concessis tam Reverendissimo Collegio DD. Protonota-
riorum, quam Collegio Excellentissimorum DD. Advocatorum Consultoria-
lium, an dicto Collegio Advocatorum competat jus Doctorandi privative ad Col-
legium dictorum DD. Protonotariorum. Difficultas orta est ratione privilegii con-
cessi per Fel. record. Sixtum V. Collegio DD. Protonotariorum sub data Nonis Fe-
bruarii 1587. in quo datur facultas doctorandi Collegio, & eorum cuilibet quotcum-
que idoneos &c. cum clausula: *Sublata non obstantibus privilegiis quibuscunque*
Romanæ Curie Collegiis etiam motu proprio &c. Concessis, ac cum quibusvis
derogatoriis derogatoriis, aliisque fortioribus & in solitis clausulis & decretis,
per quod privilegium prætendebatur sublata fuisse antiqua privilegia Collegio DD.
Advocatorum concessa à Fel. record. Julio III. cum regulariter posteriora dero-
gent

gent prioribus, maxime ubi eorum fit mentio. *L. pacta novissima C. de pact. & præ-*
ferri cum dictum privilegium concessum sit Dominis Protonotariis ex causa oner-
osa, cui non solet de facili Papa derogare, cum concessio videatur facta in vim con-
tractus. Causa itaque in Rota me proponente diligenter discussa, fuit primo loco
dictum, esse diligenter examinandum, quodnam ex istis privilegiis habeat clausulas
prægnantiores & fortiores, & aliàs coram me factum fuit in una Assorien. Archi-
diaconatus 19. Martii 1576. & censuerunt Domini prævalere clausulas appositas in
privilegio Julii III. nam præter ceteras in quibus concurren cum privilegio Sixti,
adest decretum, ut huiusmodi litteræ Apostolicæ nullo modo revocari, neque su-
spendi possint, & quoties emanaverint in aliis concessionibus derogationes impli-
ta, toties hæ ab illis exceptæ, ac denuò Advocatis concessæ, restituta & repositæ
conferantur &c. Quod decretum est tantæ efficaciz, ut per consequentes derogatio-
nes non censetur illi præjudicatum, cum de eo non fuerit facta sufficiens mentio, ut
per Federic. consil. 233. per tot. Castren. cons. 279. in fine lib. 1. Paris. cons. 42. n. 15. lib. 4. Fe-
lin. in cap. nonnulli. n. 3. & 4. de re scripti. cum infinitis quæ deduci possunt ex his quæ
congruunt Doctores in materia revocationis testamentorum. Socin. in L. si mihi §
tibi §. in legatis ff. de legat. 1. Covarr. in rubric. de testam. par. 2. nu. 19. Quod videtur
eo maxime locum sibi vendicare, ex quo privilegium Advocatis concessum fuit ex
causa publicæ utilitatis, & ad tollenda absurda, quæ ex similibus concessionibus ori-
untur, quo casu non censetur illi derogatum per clausulas quantumvis prægnantes, ut
voluit Roman. cons. 436. n. 11. §. cons. 498. num. 17. Put. decis. 89. lib. 1.

Accedit quod non fuit derogatum regulæ de jure quaesito non tollendo, per
quam præservatur jus ex illo quaesitum DD. Advocatis, ut per *Sanen. in d. reg. quæst.*
5. nu. 7. Mohedan. decis. 82. Put. decis. 52. lib. 1. §. fuit dictum in Casarugustana exem-
ptionis 9. Martii 1594. coram R. P. D. meo Orano Cas. de Grass. decis. 3. de re scripti.

Verum omnis proflus cessat difficultas ex posteriori renovatione d. privilegii
concessa per eundem Sixtum V. Dominis Advocatis sub data septimo Calendæ Se-
ptembris 1587. cum derogatione regulæ de jure quaesito &c. Et eam clausula *Quo-*
rum tenores, per quam procul dubio revocatum censetur privilegium Dominorum
Protonotariorum. Anton. de Butr. cons. 2. Cassad. decis. 38. super Reg. Mohedan. decis.
1. de re scripti. Maxime cum in privilegio ipsorum nulla adsit clausula derogatoria ad
futuras concessionem. Bartol. in l. si quis in princ. ff. de legat. 3. Felin. in d. cap. nonnulli
num. 3. §. segg. de re scripti.

Nec obstat quod DD. Protonotarii habeant privilegium ex causa onerosæ,
quia eodem modo etiam Dominus Advocati habent ex annexione rectoratus, & solu-
tione pecuniarum per eos factâ; Unde in pari causa semper ut supra dictum, poste-
riora derogant prioribus, & ita conclusum.